

Fuɗɗam

“Habarun no Allah tagi kuuje e duniyaaru fuu”

Nyalaade arande

Haa fuɗɗam Allah tagi asamanji e lesdi. Lesdi cookri, walano koodume ton, nyibre suddi ilamji. Ruuhu Allah don yiilo dow ndiyamji. Allah wi'i: "Annoora laato!" Ka laati. Allah yi'i ka woodi. Nden o sendi hakkunde annoora e nyibre. O ewni annoora *nyalawma*, nyibre boo o ewni dum *jemma*. Hiiri, weeti, dum nyalaade arande.

Nyalaade didawre

Allah wi'i: "Sendoode laato caka ndiyamji, ngam sendugo hakkunde maaji." Dum laati non. O sendiri ndiyamji les sendoode bee ndiyamji dow maare. Allah ewni sendoode man asama. Hiiri, weeti fahin, dum nyalaade didawre.

Nyalaade tataɓre

Allah wi'i: "Ndiyam les asama moɔɔ nokkuure woore, haa joordum wanga!" Dum laati non. Allah ewni joordum dum lesdi, moɔɔorde ndiyamji boo, o ewni nde mbeela. Allah yi'i dum woodi. Nden Allah wi'i: "Lesdi fuɗna huɗo e haakooji dimooji aawdi, non boo ledde dimooje biɓɓe bee aawdi nder muudum'en, koodume fuu fodde asli muudum." Dum laati non. Allah yi'i dum woodi. Hiiri, weeti fahin, dum nyalaade tataɓre.

Nyalaade nayaɓre

Allah wi'i: "Jayli laato haa asama ngam sendindirgo nyalawma bee jemma. Di laato alaamaaji ngam anndugo wakkatiji e nyalawma e duubi. Jayli di'i laato haa asama ngam yaynango lesdi." Dum laati non. Allah wadi jayli mawdi dafi: 'Burggol mawnugo laami nyalawma, pamarol boo laami jemma, bee koode. O jo'ini di haa asama ngam yaynango lesdi, ngam laamaago nyalawma e jemma, ngam sendindirgo annoora bee nyibre boo. Allah yi'i dum woodi. Hiiri, weeti fahin, dum nyalaade nayaɓre.

Nyalaade jowaɓre

Allah wi'i: "Ndiyam heewa kuuje mardɛ yonki, colli boo piira haa asama." Dum laati non. Allah tagi kuuje mawɗe e ko wuurata, ko waancata fuu, e ko dimboto nder ndiyam. Non boo colli mardɛ bileeji – koodume fuu fodde asli muudum. Allah yi'i dum woodi. O barkidini di, o wi'i: "Ndimndimne, duude, kebbine ndiyamji mbeela, colli boo duuda dow lesdi." Hiiri, weeti fahin, dum nyalaade jowaɓre.

Nyalaade joweegoore

Allah wi'i: "Lesdi wurtina kuuje mardɛ yonki, dabbaaji e ladaoji e kuujeladde, koodume fuu fodde asli muudum." Dum laati non. Allah wadi kuuje ladde fodde asli muudum'en e dabbaaji feere fodde asli muudum'en, e laadooji lesdi fodde asli muudum'en. O yi'i dum woodi. Too, Allah tagi neddo, o tagi dum dow jaati maako, ngam haa o nanda bee maako. Allah tagi neddo bee mbulwuldi lesdi, fuufi poofde ngeendam nder kine maako. Bana ni neddo laatori yonki geeti. Too, Allah Jawmiraawo hoo'i neddo go, jo'ini mo nder jarne Adnin haa o rema de, o ayna de. Nden Allah wi'i: "Neddo to walaa mowonda, dum woodaay. Mi wadanan moballowon andufo bee maako." Nden Allah Jawmiraawo neldi doyngol teddungol dow maako, o daani. Allah hoo'i beccal neddo gootal, maɓɓi nokkuure maagal bee kusel. Bee beccal man Allah wadi debbo, yahri mo haa maako. Gorko jabi mo booddum, laati debbo mum. Ngam maajum gorko accan baaba muudum e daada muudum, fakkotiran bee debbo muudum, be laato bandu wooru. Allah yi'i ko o wadi fuu, dum booddum masin. Hiiri, weeti fahin, dum nyalaade joweegoore.

Nyalaade joweefidawre

Bana ni Allah timminiri asama e lesdi e ko woni nder maaji fuu. Nde nyalaade joweefidawre wadi, kuugal maako timmi, o siwti nyalaade man. O barkidini nyalaade joweefidawre, o seni nde.

Anndal booddum e kalludum

Nde Allah Jawmiraawo jubi jarne haa Adnin, hedi fuunaange, o fuɗni ledde feere-feereje haa lesdi, de boodde, de belde haa nyaamugo. O wadi boo lekki ngeendam haa caka jarne, e lekki anndugo booddum e kalludum. Too, Allah hoo'i neddo go, jo'ini mo nder jarne Adnin haa o rema de, o ayna de. Allah umri mo: "Sey a nyaama haa ledde kooɗeye nder jarne, bana bernde ma yidi. Ammaa lekki anndugo booddum e kalludum, taa nyaam ki. Ngam nyalaade nyaamda ki, a maayan maayde naawnde." Allah wanginiri yiide mum haa Aadamu e Hawwa, nde o hokki be koodume fuu ngam joodaago bee jam nder ngeendam maɓɓe. Allah hokki be boo baawal suɓtugo. O yidi haa Aadamu e Hawwa dowtana umroore maako, waato taa be nyaama diga biɓɓe lekki go. Ammaa luttudum fuu jey maɓɓe ngam joodaago bee seyo nder jarne boodde man.

Habaruuji di, di koo'aama haa yebre Deltre Tawreeta arande, wi'eteende Laataanooji, fasluwol 1 & 2.

Ballal ngam jangugo

Lisez-vous français ?
Do you read English?
Ka iya karatun Hausa?

Fulfulde	Français	English	Hausa
bB	be.....ils, elles.	they	sun
dD	didi.....deux.....	two	biyu
cC	coggu.....prix.....	price	tamani
hH	haako....feuille.....	leaf	ganye
jJ	janngo....demain..	tomorrow	gobe
nN	ngatugo....mordre...	to bite	ciza
yY	iyam....sang.....	blood	jini
aa	daada....mère.....	mother	uware
oo	soodugo....acheter..	to buy	saya

A laato mallumjo

Yunussa Jaawo Kot Diwaar



Yunussa bee debbo mum

Jangugo diina

Baaba am suklake jangde am diina, haa njahmi kolej (*collège*). Nde jangirde kolej don haa wuro, sey mi dilla e yimbe saare am. Diga wakkati man, mi tiddini ngam besdugo nder jangde diina. Ngam maajum mi tokki bee jangugo alkur'aana e mi hawtidi bee sooba'en am juulbe, be duudbe nder wuro ngo njoodumi ton. Nder wakkati man mi buri habugo nder haala diina e salihaaku man, yimbe saare am hormidini yam ngam mi yehi laaroygo be nder wakkati siwtaaru jangirde.

Doftam haa kawtal

Too, mi wooda bee sooba'en juulbe tan, ammaa wodbe be masiihinko'en boo. Mi haydini ngam be mbolwaay dow nuddinki mabbe haa yeeso am. Fuu e non goddo haa caka mabbe yami yam yillaago kawtal muudum'en. O yecci yam, to mi waran nanugo,

nden kam ngeendam am waylitoto. Mi jaabani mo, "Kay, ngeendam ma burataa woodugo ngeendam am sam." Ngam maajum mi numi no walaa haaje yahugo haa kawtal mabbe.

Nden baawo sedfa haa jangirde man sukaajo feere gorko yecci yam haala Iisa Almasiihu.

Haala maako mettini bernde am. Nde o bi'do no Iisa woniri Bidfo Allah, dum laatani yam bana hudugo Allah. (*Laar haa wakkere ragareere! – Bindoowo*)

Mi laari tokkiife Iisa bana be kalki, yahanbe haa yiite jahannama. Ammaa ngorgiraawo tokki wolwango yam. Nyande feere o ewni yam haa kawtal mabbe haa jangirde amin. O yami



"A laato mallumjo!" Ndaa ko baaba am wi'i yam dow yonki am haa yeeso. Baaba am o gaynaako e baaba bibe joweenayo. Haa gite maako mallumku buri teddugo nder kuude yimbe fuu.

Mi mawnam haa saare Fulbe haa lesdi Burkina Faso. Nder hitaande 1957 saarooji am eggi haa Kot Diwaar. Haa caka bibe joweenayo baaba am yidino worbe fuu laato mallum'en. O fudfi neldugo afo maako haa jangirde alkur'aana. To mawnam timmini, nden sey min on mi nasta haa jangirde man.

Gaynaako laati jangoowo lekkol

Nde mi yotti deydey duubi joweetati, mi ayni na'i baaba am, ammaa mi reenani nyande nde puddanmi jangirde alkur'aana. Too, nder wakkati man ngomna nyibi jangirde haa wuro am. Nden janginoowo wari boo. Haa gite am, mo gaynaako tan, dum woodfi masitin. Janginoowo boo yurmini yam, yidi mi nasta jangirde nde'e. Min kam, fakat mi yerdi naatugo jangirde, sey baaba am yidaa mi yaha sam. Too, bee ballal soobaajo am keso, janginoowo oo, mi tiddini non, baaba am jabi mi yaha jangugo ton.

Fursina – besdaari ngeendam

Usman nani palande kosfe e omtirgel nder pareewal. Aynooobe fursina ngari haa maako ngam haa be mbara mo, ammaa be cakitake. Usman numi: "Non ni nder lesdi ndi, be mboowi sakitaago. Be ndarni warugo bee njamndi joweetati, ammaa be ngari bee saa'a sappo. Wakkati man haraka wadi bana gookaali yimbe. Baawodon sirwaare non. Jonta dum wadi njamndi sappo. Be ndokki mo besdaari saa'aji didi nder yonki fahin. Nden sey mbareego e nyibre tan." O waawi maatugo kulol nder hunduko maako bana ngol manda.

Too, jemmaare nde, o daanaaki sam. Koowowe mbaadi hoolooji duudfi, buri naane. Jemmaa fuu o miccitake

ngeendam maako. Bana noy o yottori haa do?

Yonki muudum fudfi bee boodfum. O buri jangugo dow sooba'en mum. O fudfi subtugo laawol kallungol. O aarti bee wujjugo kuuje famarde tawon; kuuje de mbelnanaay mo bernde. Ndaa kalkoowo e wonnuru meere!

Too, baawodon hiitordu. Jonta dum buri kiitaaji duudfi. O hebaay sijikitaago nder haala man. Seedoobe mbolwi goonga dow maako. Wodbe haa caka mabbe mboyani bee numugo dow ko o wadino. O waawaay laargo be nder gite mabbe, sakkooma debbo oo do.

Kiitoowo Ibrahiim Diyallo wolwani mo:

"An on a wadi aybewol ngol, sarriijum nardum! Walaa mo yeddani dum. Umrooje ngomna meeden don yama

yam haa mi jangana be sedfa nder Deftere Bibel.

Njangumi sedfa, kambe boo be ngewti dow haala man. Nden be ngimi, be torake Allah.

Mi annditi mi halki

Nyande woore, nde mi gondo haa *uniwersite*, mi yewtidi fahin bee wodbe dow Iisa Almasiihu. Ngam dume mi jabi yewtitidgo bana ni, mi anndaa sam. Sakkooma goddo man wi'i no Iisa o *Bidfo Allah*. Sey numugo no Iisa woniri Bidfo Allah, dum wolwugo kalluka haa gite am. Nden kam dume ngewta nafirta? Mi taskake habdugo bee maako! Baawo maajum jangoowo oo wi'i, "Mi anndi baawdo jaabaago yamde maada. Naane o juuldo boo, ammaa jonta o pukaraajo Iisa Almasiihu. Kanjo o anndi faamtingo ma bee boodfum."

Dum sadi wi'ugo ngam dume njab-mi hawrititugo gorko oo. Teema nummi nangugo laawol maako boo na? Kay, wooda! Ngidmi sappingo mo no o halkiri bee tokkaago laawol Iisa.

Min ngewtidi sedfa dow haala man, baawodon gorko oo do'ani yam. Nden o hokki yam deftere e dereeji didi. Nder maaji mi jangi no goddo nuddiniri Iisa Almasiihu, no o naatiri laawol kesol ngol. Mi haydinake masin, ngam dartaare yimbe be'e nder nuddinki wangi bee boodfum. Be annditi fakat no Iisa Almasiihu hisniri be. Mi hedfite haala mabbe masitin.

Bana juuldo, mi nuddini no mi hisrata fodde ko mi huuwi nder yonki am e fodde ko Allah muuyi. Goddo waawataa anndugo iinayeere nde Allah taynake ngam am dow haala aljanna. Mi waawataa anndugo fakat to mi heban ngeendam nduumidam malla naa non.

haa goddo maaya ngam maajum. Sey an, a maayan."

Ammaa naaweengga don nder sawtu kiitoowo.

Kiitoowo faami nyawrugyo yimbe yarooobe bone ngam haala kalluka. Ammaa nde o laari nder gite Usman, o faami numooji nder pasooowo oo, mo bilaa tammunde, heewi kulol. O laarani mo bana baaba laarata bingel.

Lebbi joweenayi caalake. Walaa wakkati ngam sanjugo jonta. Aynooobe mabbiti pareewal, njahri mo haa biro mawdo fursina, deenando Usman. Mawdo fursina don yecca mo: "Hande, wakkati joweedidi e reeta,



Mi fudfi jangugo

Too, mi fudfiti jangugo alkur'aana am fahin bee yamugo yamde duudde nder ton. Ekkitinolji alkur'aana ndokkaay yam jaawaabu haa yamde am. Koo gootel nder aayaaji



alkur'aana waawi hokkugo goonga kisndam bee kuude am. Ammaa jonta ni mi faami dum ko alkur'aana wi'i dow annabi Iisa Almasiihu boo.

Mi nani sawtu

Sey balde seeda, baawo yewtugo bee gorko oo, huunde kaydiniinde wafani yam. Mi fini bee fajiri cub ngam haa mi nyaama, baawodon mi suumake ngam dum lewru suumaye, waato Ramabaana. Law ni mi hultori bee kulol mangol. Mi faamino, to mi maayi, fakat njahanmi haa yiite jahannama. Dum duuri wakkati sedfa, nden nanmi sawtu haa nder bernde am, ndu wi'i yam, "Min woni laawol jahrangol haa goonga e ngeendam."

Mi siftori no mi jaggino dum wakkati mi don nder jangirde faransa. Dum Iisa on bi'do bolle de'e. Soobaajo am hokki yam deftere haa mi janga dum haa nder Linjiila. Duuri wakkati sedfa mi jabaay haala man. Mi yidfaa tokkaago laawol Iisa. Ammaa sawtu ndu warani yam bee baawde, bee weebre boo, ngam maajum accumi liddugo, mi nangi laawol Iisa.

gorko feere wari maayugo ngam aybeeji di madda. O mbaraama bee wakkati joweetati. Worbe dido mbaawataa mbareego ngam aybewol gootol. A dimo."

Dum laati bana nder koydol non, Usman tokki aynoowo haa dammugal fursina mabitaangal, o wurti. Hendu welndu wifa haa yeeso muudum. O fudfi yahugo, dilli, ammaa o yeeyake baawo, gal dammugal fursina. O yami mawdo oo: "Amaa kanjo o moyjo? Moy waawi wadugo huunde bana ni ngam am?"

O jaabani mo:
"O bidfo Ibrahiim Diyallo."

Balde tati saali ni, njehmi haa gorko dokkunoodo yam deftere bee dereeji man, mi yecci mo no bernde am waylitiri. Bee ballal gorko oo mi habbi anniya, mi hokki yonki am fuu haa Iisa Almasiihu, haa mi tokko mo. Mi anndi jonta fakat, mi woodi ngeendam nduumiidam. To mi maayan, mi yahataa haa yiite jahannama, ammaa mi wondan bee Jawmiraawo haa foroy.

A laataaki bidfo am fahin

Too, nde mi habbi anniya tokkaago laawol Iisa, lebbi tati caalake, kebbi bataakewol diga baaba am.

Kawu am joodunoodo haa wuro ngondumi, kanjo on yecci baaba am ko laatani yam. Ni baaba am windi, "Mi nani no a fudfiri tokkaago haala Iisa. To dum goonga, sey a acca haala Iisa law. Mi meedaay nango haa gooto haa caka yimbe meeden, mo nangi laawol ngol, koo nder asngol men fuu, walaa mo tokki Iisa. Wooda sam."

Too, yeeso seeda fahin, baaba am ewni yam, moobiri saare muudum fuu ngam dawruki dow am. O yami yamde duudde dow diina am kesa: "Ngam dume a fudfi tokkaago laawol Iisa?"

Too, yeeso seeda fahin, baaba am ewni yam, moobiri saare muudum fuu ngam dawruki dow am. O yami yamde duudde dow diina am kesa: "Ngam dume a fudfi tokkaago laawol Iisa?"

Mi jaabani mo, "Mi faami e mi nuddini no Iisa tan woni laawol yahugo haa aljanna."

Baaba am wi'i, "Mi don hokka ma cubol; malla a acca diina kesa do, maaboo a walaa biyam fahin sam. To mi maayan boo, taa war haa janaa'ija am, mi yidfaa sam."

Yoo, gaabootiral burani yam piw. Wakkati man aartumi rufugo gondi

ngam nuddinki nder Iisa Almasiihu.

Fuu e non bolle godde gonde haa Linjiila, ngari haa hakkiilo am. Dum jawaabu Piyer e Yuhanna haa dawroobe Yahuudu'en, nde be kadi be wolwugo bee innde Iisa. Ndaa bolle pukara'en Iisa, "Onon bee ko'e mon, ta"e haala ka. Ko woni boodfum haa Allah, dwtanaago on na, malla dwtanaago Allah?"

Be tori Allah ngam am

Fakat, dum sadi ngam am, ammaa mi hebi salaaman e jam Allah boo. Too, mi subu, mi dalira lenyol am haa mi joodo bee kisnoowo yam

Iisa Almasiihu. Pukara'en Iisa wodde torani yam Allah, suusdini yam. Nden, mi joodi haa baadiraawo mo fudfi tokkaago laawol Iisa baawo

mi nuddini. Baaba neldi yimbe haa be ngaabotira bee am, haa mi lora haa lisaama, ammaa be kebaay saa'a. Too, baawo lebbi joweego fahin, o ewni yam, o jabi yam bana bingel maako fahin.

Hande doongal am tan woni haa mi yahrana yimbe juulbe boo habaru seynooru ndu Iisa Almasiihu.

Kongol Annabi Muusa

Allah mon, o kinnotoodo. O accataa on, o halkataa on, o yejjittaa alkawal ngal o habbi bee kaakaaji mon. Allah jaaboto koondeye en toroto mo. Allah woni hisrude mon diga booyma, juude maako duumiide don efa on.

Tooktaaki Tawreeta 4:31&7; 33:27

Radiyo e ordinator

A heban hedaago kubaruuji seynooji di'i haa radiyo ma bee **Fulfulde** (Adamawa).

Trans World Radiyo (Meetirji 31; kHz 9510), kiikiide don fudfaa bee 6:30 haa 7:00 (wakkati Mali e KotDiwaa), 7:30 haa 8:00 (wakkati Benin, Cad, Gabon, Kamerun, Centrafrique, Niger, Nigeria e Togo)



IBRA Radiyo (Meetirji 31; kHz 9610) Kala kiikiide fuu don fudfaa bee 7:00 haa 7:15 (Wakkati Mali e Kot Diwaa); 8:00 haa 8:15 (Wakkati Benin, Cad, Gabon, Kamerun, Centrafrique, Niger, Nigeria e Togo) Niger tan: Salaasa fuu bee 16:00 haa 16:30, 100.0 FM; Alat fuu bee 15:15 haa 15:30, 107.77 FM Nigeria boo haa Jos **PRTV** Alarba e Jumbaare fuu bee 16:45 haa 17:00 dow MW

Cameroun Radio Télévision-CRTV (Maroua) FM 102.5 mHz, Altine kiikiide 9:00 haa 9:30; Asawe e Alat kiikiide 6:30 haa 7:00

Cameroun Radio Télévision-CRTV (Garoua) FM 101.2 mHz, Altine haa Alhamiisa e Asawe, kiikiide 6:30 haa 7:00

Cameroun Radio Télévision-CRTV (Maroua) FM 94 mHz, Altine, Salaasa, Alhamiisa, Jumbaare kiikiide, 10:15 haa 11:00, Alarba kiikiide 8:30 haa 9:00

Rural Dana Radiyo (Yagoua) kiikiide fuu 6:30 haa 7:00 Haa do a waawan jangungo Deftere Allah bee fulfulde!

A waawan boo télécharger/download Deftere fuu caahu: <http://visionneuse.free.fr>



“Allah o gooto. O danyaaka, o danyataa biɓɓe.”

“Allah o gooto. O danyaaka, o danyataa biɓɓe.”

To tampa-diina'en don mbi'a no Iisa woniri Bid'ɗo Allah, nden kam en ceko bee seko mango fakat. Ngam dume? Ngam tampa-diina'en don nuddina nder labbi duuddi, be don numa no labbi di allaaji mabbe, di don banga, keɓa bikkoy boo. Bana ni dum laati nder numooji Yunaniŋko'en. Haa gite mabbe *Jeus* hebi debbo. Innde maako Hera. *Jeus* hebi biɓɓe duudbe, kambe boo laati allaaji famarji fuu.

Ammaa tokkiiɓe Iisa Almasiihu don nuddina no Allah walaa debbo, o meedaay banguugo sam, o banguataa haa abada. Nonnon boo nuddinki Yahuudu'en, masiihŋko'en e juulbe, be fuu be njabataa haala no Allah heɓri bid'ɗo bee debbo. Allah woni feere muudum, o gooto tan. Kanjo on woni tagoowo kuuje fuu. Non boo en don njanga haa Jabuura Dawuda (96.5): “*Fakat, dowanteeɓe hefeerɓe dum labbi.*” Ngam tokkiido Iisa Almasiihu walaa dowanteedo bana labbi sam, di fuu meere non. Be don tokka tokkugo sey Allah mawdo mo walaa debbo.

Moy bi'ɗo dum

To dum pukara'en Iisa wi'be no o bid'ɗo Allah, sey en ceka bolle de'e. Ngam to pukaraajo mangti jawmum, o waawi burnugo haala maako bee ko laabaay.

Dum Allah bee hoore mum, e Deftere Seniinde nde'e, dido fuu mbi'i dum non. Haa nder Linjiila, en don njanga no Allah wolwiri diga asama. Allah wi'i: “*An woni Bid'ɗo am gidaado, mi don seyoro ma masin.*” Iisa laataaki bid'ɗo fodde laawol e al'aada yimbe. Danyeeke maako woni

bendaloore kaayeeɓi. Allah bee hoore muudum umri danyeeke Iisa, bilaa Mariyama waalda bee gorko.

Allah danyaaka bid'ɗo fodde laawol yimbe. Kala tagdi fuu ndi maako, gorko e debbo, be fuu, be biɓɓe Allah, ngam o hokki be ngeendam. O wafi haa be ngona fuu. Ammaa fuu e non walaa god'ɗo iwdo haa Allah bana biɓɓe danyata haa caka yimbe, waato bee daada e baaba.

Ngam dume Allah wi'i dum?

Innde *Bid'ɗo* tindini nanndal e kawtal. Baaba seyi to o tawi bid'ɗo hoosi misaalu muudum. Iisaa, bid'ɗo Mariyama, hoosi misaalu Allah, tokki anndinki e umrooje Allah, tagoowo koodume fuu. Naa kanjum tan, ammaa Iisa wolwi bana god'ɗo meedaay wolwugo. O huuwi kuuje bana god'ɗo meedaay huuwugo. Ndaa ko Iisa bee hoore muudum wi'i pukara'en muudum: “*Koomoy yi'i yam, yi'i Baabiraawo.*”

Bana Baaba, nonnon Bid'ɗo

Jangu habaru Linjiila, a laaran no Iisa huuwraata kuugal. Dum walle faamugo moy woni Allah, mo yi'ataako, mo god'ɗo meedaay yi'ugo. En mbaawan wi'ugo boo, Iisa o bid'ɗo Allah fodde gikku maako. O roni dum diga Allah, Tagoowo.

Yiide maako iwi haa Baabiraawo. Baabiraawo e bid'ɗo ngidindiri, be ngidi ngo'taaku e kawtal haa caka mabbe. Ngam maajum gooto ewnete Baabiraawo, gooto boo ewnete Bid'ɗo. Haa Fulfulde hiirnaangeere be mbi'ata: “*Bid'ɗo, bana baaba mum.*”

Koomoy miccitate dow Iisa, sey o faama no Iisa woniri jaati Baabiraawo, gondo haa asama: Kanjo o laaɓdo, mo keewdo yaafuye e yiide e baawde e hakiilo. Kuude maako e bolle maako de nandi bee kuude e bolle Allah Duumiido.

Innde “Bid'ɗo”, nde balndol

Isma'iila Sadok don hollira en numol god'ɗol nder innde *bid'ɗo*,

dum huuwtiniraama nde duuddum bee wolde arabre. Bana o *bid'ɗo lesdi ndi*. Naa dum lesdi ndi danyi mo, ammaa o god'ɗo diga lesdi ndi. Ngam maajum yimbe ewnata mo bana ni. O yidi lesdi ndi. O roni dabiyajji e al'adaaji lesdi ndi. Haa nder ngewta telewisiyon Senegal, god'ɗo mangtini militeer'en Senegal, o ewni be: *Biɓɓe lesdi men*.

Ibnu'llah

Hiddeko Lilaama wangi, tokkiiɓe Iisa kabdi bee tampa-diina'en dow fassaruye mabbe nder kongol *bid'ɗo Allah*. Be njabi kongol *Ibnu'llah*, ammaa be njabaay *waladu'llah*. Tum be kuuwtiniri Ibn bee maana nder diina tan, ammaa be kuuwtiniri *walad* sey bee maana bandu.

Muhammadu woodino kawu, innde maako *Abdul Usa*. Ammaa be ewni mo *Abdul Lahab* – baaba yiite. Noy, dum yidi wi'ugo kanjo danyi yiite na?

Jahangaljo wi'ete *bid'ɗo laawol (Ibn-sabeel)*, ammaa dum yidaa wi'ugo laawol hebi debbo.

Deftere Seniinde don wi'a: “*Koomoy sali Bid'ɗo, sali Baabiraawo boo. Mo jabi Bid'ɗo, jabi Baabiraawo boo.*”

Dum yidi wi'ugo: Sey en njaba mo o woni Iisa, hiddeko en keɓa yahgo haa Baabiraawo boo. Koo to Iisa wi'aay bee anniya no o woniri Bid'ɗo Allah, o ewni foroy Allah o Baabiraawo maako. O wi'i, “*Min woni laawol jahrangol haa goonga e ngeendam. Walaa mo heɓata yahugo Baabiraawo bee laawol feere, sey bee am.*”

Too, ngam maajum masiihŋkeejo suusdi ewnugo Iisa *Bid'ɗo Allah* ngam diga booyma Deftere-Seniinde e Baabiraawo tageefo fuu huuwtiniri wolde *Bid'ɗo* ngam Iisa Almasiihu.

God'ɗo mo aarti windugo ko woni haa dow ni, dum Steven Masood. Word of Life tappi, wurtini derewol ngol, be ndokki min laawol.

Ngam haa min mbaawa neldugo ma **Badake** haa yeeso, windu innde bee adires ma fuu haa les, waato taa yejjit wuro Poste maada bana ngi'da haa do ni: **Limgal / no. 6**

Innde am:

Njoonde am:

Wuro / berniwol bee lesdi am:

.....

Useni, windan min limgal noy ngid'ɗa sendango wodbe nder lebbi joweego fuu:


Min ngidi neldugo ma deftere bee jangle dow annabo'en. To a yidi besdugo anndal ma dow kubaruwol man, windu le “mi yidi” haa do ni:

Windu dum haa: **Badake, BP 73, Maroua, Cameroun**

● Malla **Badake, BP 240, Bangui, République Centrafricaine**

● Malla **Badake, PO Box 6797, Anglo Jos, Nigeria**

● Malla **Badake, Willington, DERBY, DE65 6BN, UK** malla email: **pulaar@soon.org.uk**



Kaset

Dokkal ngam ma!

To a heban neldugo min inde bee adires yimbe jowo yidbe jabgo Derewol **Badake** haa yeeso, yettoore mawnde haa maada!

Ammaa min ngidi neldugo ma boo caahu, waato **Kaset** bee Fulfulde. Too, sey yeeso!

Si tawi a janngat Pulaar haalan minen. Min nildat ma Booyataa.